



APOORAA A TE MAU FAATERE-HAU PARAU HAAPAPA

Mahana maha, 11 no tiurai 2024

Ua putuputu te Apooraa a te mau Faatere Hau i teie mahana toru. I roto i te puta parau i hiòpoàhia, ua haamanahia te mau puta parau i muri nei :

- MEF -	2
• Te Tânotaraa a te Pû <i>Standard and Poor's Global Ratings</i> , ia Porintia Farani no te matahiti 2024.....	2
• E tapeà noa a te Hau Fenua i ta na âpeeraa i te mau Taiete Nainai i te pae no te faahoturaa	3
- MPR -	3
• Tauraa i te ìrava CM no te 25 tiurai 2011 tei haamau i te tapura no te mau Ito faufaa e faaòhipahia no te faaineine i te mau Râàu tupohe manumanu e fariihia e tapihoo i Porineti Farani nei.....	3
• Tauraa i te ìrava CM no te 15 tenuare 1993, tei haamau i te pene Puhâ i Porinetia Farani nei	4
- MEE -	4
• Te Moni Tauturu i te mau Fare Haapiiraa.....	4
- MJP -	5
• Poritita a te Faatereraa Hau no te oraraa o te mau taatiraa.....	5
• Moni tauturu i te mau taatiraa tuàro e te hoê âmui-Tahiraa Tuàro.....	6



- MEF -

Te Tānotaraa a te Pû *Standard and Poor's Global Ratings*, ia Porinetia Farani no te matahiti 2024

I te 5 tiurai 2024, ua horoà te Pû Tānotaraa *Standard and Poor's global Ratings*, i ta na hiòraa, na roto i te tahi parau pia i te mau Veà, i nià i te Faufaa a Porinetia Farani.

Te faaite ra o ia e, ua horoà o ia i te mau nota haapâpûraa 'A' no te mau Tiàraa Faufaa no te Tau Roa (àitarahuraa hau atu i te hoê matahiti) a te Hau Fenua e 'A-1' no te mau Tuhaa Faufaa tei titauhia e amo i roto i te tau poto (àitarahuraa raro mai i te hoê matahiti). E i pihai iho i teie na Tānotaraa, te itehia ra te tahi âfaiitoraa maitai.

Ei haamanaòraa, ua titauhia na te Pû *Moody's* e tuatapapa i te oraraa faufaa o te Fenua nei, mai te matahiti 2016 e tae atu i te matahiti 2023 ra, e ua horoà o ia i te nota 'A3' ma te haapâpû ta na hiòraa âfaito maitai, e o te faaauraa atoà ia i teie nota 'A' a *Standard and Poor's*. **No reira, e tià roa ia parauhia e, o te nota maitai roa aè teie, tei òre a i taeaèhia e te Fenua nei mai te taima a faaô ai tatou i roto i teie faanahoraa i te matahiti 2000 ra.**

I te hiòraa a te Pû *Standard and Poor's*, ua riro te arataira o te Papa Ture Aratai i te Oraraa a Porinetia i te nuu a i mua, e ma te vai âfaito noa. Ìnaha, te mau nei te Fenua nei i te tahi faanahoraa tute tiàma, tei tauturu i te faaau maite i ta na tarahu. Te ìte atoàhia nei e, e mea pâutuutu maitai te faaravaìraa faufaa o te Fenua nei, e na te reira e paèpaè maitai atoà i tapura o te mau tute e ô mai nei i roto i te âfata o te Fenua.

Hau atu i te reira, te faaâpiraa-hia te raveà tiàauraa i te faufaa a te Fenua, tauturuhia mai e te oraraa hau i te pae poritita, no te tahi tau roa, i nahonaho ai i te faanaho i te tahi mau faaâpiraa, i te pae ihoa râ no te tute e te pârururaa totiare, te haamaitaira e te maramaramaraa i te hiòraa i te tapura faufaa, na roto i te faanahoraa tapura faufaa toru matahiti e te âpeeraa hoì i te mau Pû Ôhipa Rau a te Hau Fenua.

Te tiàturi nei te Pû Tānotaraa e, e vai Pâututu noa e e maitai noa te tereraa faufaa a Porinetia farani. E no te rahi o te tapura no te mau paturaa no teie Heiva Nui no Patitifa 2027, e riro te faito o te faufaa e faaôhipahia no te mau paturaa rarahi, i te maraa i roto i na matahiti 2024 e tae atu i te matahiti 2027, e riro te reira i te haamaraa atu â i te ìmiraa faufaa. Oia atoà ra hoì te paruparu o Porinetia Farani i mua no te mau fifi faatupuhia e te ahuraa o te reva, titauhia ia ia faaravaì atu â i te faufaa i te mau matahiti i muri nei.

I roto i te tiàauraa i te tarahu e te âfata faufaa, te itehia ra to na maitai. Te faito no te tuhaa faahoìraa i te mau tarahu, te vai maitai noa atoà ra, na reira atoà hoì te tuhaa moni haaputu. Te tereraa faufaa e te tiàraa o te Fenua i te tauraa i te tahi mau àitarahuraa no te tau roa e te tau poto, aita roa atu ia e tapitapiraa. E mea ôhie te mau àitarahuraa i nià i te mau raveà faahoìraa tano noa. Hau atu, te farii maitai ra te Pû Tānotaraa i te arataira àitarahuraa a te Hau Fenua e te faanahoraa no te reira tarahu, ua papahia i nià i te tahi àitarahuraa e raveà faahoìraa tià to na e no te tahi tau roa.

I teie mau taima i muri nei e hiò faahouhia ai te tānotaraa, e tià ia *Standard and Poor's* ia haamaraa i ta na numeraraa, mai te mea e maitai mai e e hau atu faufaa e toe mai, na roto i te tahi faaravaìraa faufaa pâutuutu maitai. Na reira atoà i te faaitiraa i te tupupu o te mau Pû Ôhipa Rau a te Hau Fenua, na roto i te haamaitaira te hiòpòraa o teie mau Pû, te faaauraa e te faatanoraa i te mau mea e fatuhia e te Hau Fenua, te haamataraa te mau faaâpiraa i roto i te tiàauraa i te faufaa a te Hau, e riro te reira ei raveà maitai e te faufaa



rahi ia hiòhia.

I roto râ i te tahi hiòraa taa ê atu, e riro te nota i te faatopahia mai te peu e ûàna te fifi i te pae o te faaravaàraa faufaa, o te faatupu i te fifi moni e te maraaraa hoì te mau aniraa tarahu. Te tupuraa te mau taupupuraa no roto mai i te mau Pû Òhipa Rau a te Hau Fenua, e aratai atoà ia i te toparaa no te nota, ia au i te mau hiòraa.

E tapeà noa a te Hau Fenua i ta na âpeeraa i te mau Taiete Nainai i te pae no te faahoturaa

Ua farii te Faatereraa Hau e **ono aniraa tauturu**, i te pae no te raveà e tauihaa, i te mau Taiete Nainai (AEPE) e tauturu i te pae no te faaitoitoraa i te mau Fare Toa nainai e fare Tamaaraa (APCR).

Teie mau tauturu e horoàhia e te faanahoraa AEPE-APCR e amo ia i te mau haamauàraa no te hoo mai i te mau tauihaa òhipa, e aore ia, no te mau fanahonahoraa i te mau piha e te mau fare, ia hau atu a te fariiraa e te ûnaùna o teie mau Taiete tei hinaaro e haamaitai i ta ratou òhipa. Ia âmuhia te taatoàraa no te tauturu, tei nià i te faito **19 245 000 F CFP** no te tahi ôpuaraa faufaa âmui, ma te òre e taiòhia te tute TVA, i nià i te fâito **49 935 645 F CFP**.

E na Taiete too-ono no te pae ia o te mau Fare Toa e te mau tapihoora rau e tei ôpua e ìriti **13 aè tiàraa òhipa no te tau poto e te tau roa**.

- MPR -

Tauraa i te ìrava CM no te 25 tiurai 2011 tei haamau i te tapura no te mau Ito faufaa e faaòhipahia no te faaineine i te mau Râàu tupohe manumanu e fariihia e tapihoo i Porineti Farani nei

Ua haamana te Faatereraa Hau i te tahi hiò faahouraa faufaa roa no te faatureraa i te mau Râàu Tupohe manumanu, ei raveà hau atu no te paruru maitai i te Aru e te Èa o te nunaa, ma te ìriti i te reira mau Râàu mai roto mai i te faaòhiparaa i te pae o te faaâpu, o te riro i te haafifi i te roro e te feruriraa (*dinotéfurane, clothianidine, acétamipride, imidaclopride, sulfoxaflor e thiaméthoxame*).

Teie mau Râàu, ua ìtehia te fifi o ta ratou e faatupu nei i nià i te mau manumanu e faatito nei i te mau tiare, mai te mau manu pâtia, e tei roto te reira tumu parau i te feruriraa e te tauà-parauraa, ii roto i teie nei ao. I Europa, ua faaitihia, e aore ia, ua faaòrehia to ratou faaòhiparaa, âreà te tahi atu mau fenua, ua faaâno atu ia to ratou faaòhiparaa.

Te mau hiòraa i te pae no oraraa maitai e te viivii òre, na reira hoì i te mau raveà faufaa no roto mai i te hiroà tumu, o na faanahoraa ia o te tano ia haafauaa. E mai te mea noa atu e èita e manuia, e riro ia i te faaòhipahia te tahi atu mau Râàu, na reira atoà i te mau tiro tiro no te faahuru ê i te âpeni o te mau manumanu e haafifi noa nei i te tupu maitàraa no te ora. Na te faatereraa o te Piha faaâpu (DAG), te faatereraa no te Pû e tiàau nei i te rauraa no te mau mea ora atoà (DSB), na reira atoà i te Piha Rautea (CAPL) e âpee i ta tatou feia faaâpu i roto i teie tau e tae atu ai i te taime e au ai ia faaòhipa i teie araàraa, no te maitai



o ta te nunaa e tiaì nei.

I roto i te tauà-parauraa i te Faatereraa o te Èa (DS), te haamanaòhia nei e te faaòhiparaa no teie mau Râàu manumanu , ia hiòpoà maitaihia i te taime e faaòhipahia ai i roto i te oraraa ùtuafare (*ei hiòraa : i nià i te popoti, te rô...*) na roto i te tahi mau râàu oti noa e tei ineine i te faaòhipahia, i roto i te hoê pupururaa 3%, te reira te fariihia. E teie faaotiraa, no te pahono ia i te mau hinaaro e arai i te manumanu e haafifi nei i te oraraa o te mau ùtuafare, e to ratou tuìraa i nià i te Aru e mea iti roa ia e noaa atoà i te arai.

No te "fipronil, e fariihia e faaòhipa i Porinetia Farani nei, **i roto noa i te faaòhiparaa no te arai, mai te arairaa i te Rô Auahi (PFF).**

Teie mau tauraa, e haamata ia i te faaòhipahia i te 19 tiurai 2024. Te tahi tau faaineineraa ia au i te arataìraa ture tei faaauhia, a tià atu ia tapihoo i te mau mea e toe nei a 6 âvaè i teie nei e to ratou faaòhiparaa e tae atu i te 12 âvaè.

Na roto i teie mau faanahoraa, te hinaaro nei te Faatereraa Hau e haapâpû i to na hinaaro e aupuru i te Aru e te hoê arataìraa i te pae o te faaâpu natura, i roto i te Fâ , ia taeàhia 1/4 no te mau hotu natura o te fenua nei mai teie atu nei tae atu i te matahiti 2030.

Tauraa i te ìrava CM no te 15 tenuare 1993, tei haamau i te pene Puhâ i Porinetia Farani nei

I roto i te tahi arataìraa poritita âmui, ei raveà e ia parahi noa te nunaa i roto i te mau taha-motu e te mau motu atea, ua hinaaro te Hau Fenua e faanaho pâpû i te arataìraa no te tapihooraa i te Puhâ na roto i te haamauraa i te Pene Puhâ ia tià, i te nunaa o te mau motu ia ora maitaì na roto i ta ratou òhipa.

No te arai i te maraaraa rahi o te moni hoo àti aè te ao nei, tei òre hoì i faaherehere ia tatou i Porinetia Farani nei, ua haamaraahia te Pene Puhâ numera 1 i nià i te fâito e **5 F CFP/kg**. Ua maraaraa mai te **150 F CFP/kg i te 155 F CFP/kg**.

Teie arataìraa âpi e haamata ia i te faaòhipahia i te 1 atete 2024.

- MEE -

Te Moni Tauturu i te mau Fare Haapiiraa

Na roto i te aniraa a te Faatere Hau o te Haapiiraa, te Haapiiraa Teitei, e te Hiroà Tumu, ua farii te Faatereraa Hau e horoà i te mau Moni Tauturu no te pae o te faaòhiparaa, i nià i te fâito âmui e **2 500 000 F CFP**.

Fare Haapiiraa	Moni Tauturu	Te Faito
Fare Haapiiraa Teitei Paul-Gauguin	Moni Tauturu horoàhia i te pae o te Faaòhiparaa, no te amo i te mau òhipa arataìhia i te pae Totiare o te Tuarua e te Haapiiraa Teitei	2 500 000



	Ia Âmuihia	2 500 000
--	-------------------	------------------

- MJP -

Poritita a te Faatereraa Hau no te oraraa o te mau taatiraa

Te oraraa o te taatiraa (*Te oraraa autahi*) o te taatoàraa ia no te mau òhipa i roto i te hoê taatiraa haamauhia ia au i te Ture 1901, i te pae anei no te hiroà tumu, te pae o te tuàro, te pae no te tauturu e rau noa atu a. O te hoê oraraa âmui e faataa ai te mero i to ratou taime no te òhipa âmui ma te òre e titau i te tahi faahoàraa, te hiò âmuiraa i te mau Fâ e te hoêraa no te titau i taua mau Fâ.

I riro ai te mau taatiraa ei mau vahi auhoaraa, vahi tiàma tei horoà i te taata tatai-tahi ia parau i to na manaò, e te horoà i to na taime no te maitai o te taatoàraa.

I Porinetia Farani nei, te faaite mai nei te Pû a te Hau Farani "DIRAJ" e, i te matahiti 2024 e 10 494 rahiraa Taatiraa parauhia Ture 1901, ia faaauhia, hoê ia taatiraa no te 27 taata, mai te mea e tapeà mai tatou i te taiòraa nunaa i ravehia i te matahiti 2022 ra (279 000 rahiraa) ia faaauhia ia Taratoni, hoê taatiraa no te 20 taata.

No reira, e mea tià ia hiòhia te ao o te mau taatiraa, hoê a tiàraa e te mau pû òhipa totiare no te mau òhipa o ta ratou e rave nei na roto i te natiraa i te oraraa âmui, i roto i te mau faaineineraa, te tiàraa taata e nunaa, e no te "oraraa maitai e te hau", e tae noa atu i to ratou tiàraa mata ara e faaara no te oraraa nunaa.

I mua i teie haapâpûraa, te hinaaro nei, te Faatereraa Hau o te Tuàro, te Feia Âpi, te Arairaa i te mau òhipa iino, e Tiàau atoà i te Rima Î, e haamaitai, e âpee e e haafaufai teie tuhaa no te oraraa o te mau taatiraa. Te hinaaro nei ia e faatupu i te tahi poritita a te Faatereraa Hau i roto i te hiòraa e haamaitai i te tiàraa e te òhipa a te mau taatiraa i roto i to tatou Fenua, ma te òhipa âmui e te mau faatereraa Hau atoà, te mau Ôire e te mau taatiraa.

Te tapura òhipa no te tau poto, ua vauvauhia atu ia i roto i te Apooraa a te mau Faatere Hau, e i roto i taua tapura òhipa ra, te vai ra ia te tahi reni arataàraa no te tauturu te maramararaa i teie tuhaa no te taatiraa i porinetia nei na roto i te parau haapapa, te tuatapaparaa matahiti e te tahi tapura fenua. Te piti no te reni aratairaa tei nià i te ìteraa-hia te òhipa e te taime ta te mau mero e horoà nei ma te òre e titau i te faahoàraa e te faahanahanaraa i te mahana no te "òhipa tâmoni òre " i roto i teie nei ao.

E riro te hoê Tomite i te haamauhia no te oraraa o te mau taatiraa, ma te âmui te Hau Farani, te Faatereraa Hau e te mau Pû Òhipa, te mau Ôire e te mau Taatiraa, e tià ai i te mau puai ora o te fenua nei, e faanaho e e haamaitai i te poritita faaâpihia no te paèpaè, te tauturu e te âpee i te mau taatiraa ia au i te ture 1901, i roto i te hinaaro e haamaitai i te hoê totaiete tei pûpû ia na.



Moni tauturu i te mau taatiraa tuàro e te hoê âmui-Tahiraa Tuàro

Na roto i te aniraa a te Faatere Hau no te Tuàro, te Feia Âpi, te Arairaa i te mua òhipa ìino, Tiàau atoà i te Rima ì, ua haamana te Faatereraa Hau e horoà i te mau Moni Tauturu no te faaòhiparaa, no te faito âmui e **24 760 000 F CFP**, no te tuàro, no te amo i te mau òhipa rau no te matahiti 2024, i te mau taatiraa i muri nei :

- Taatiraa Tiare Apetahi : **350 00 F CFP** ;
- Taatiraa Tuèraa popo no Huahine : **600 000 F CFP** ;
- Taatiraa Te Ana Hotu : **450 000 F CFP** ;
- Taatiraa Taìrìraa popo i nià i te àiraa maa Tamarii Uporu : **200 000 F CFP** ;
- Taatiraa Taìrìraa popo no Raiatea : **500 000 F CFP** ;
- Taatiraa Tuèraa popo, Futsal, Beach Soccer no Tupuaì : **400.000 F CFP** ;
- Taatiraa Taaone Taìrìraa popo i nià i te àiraa maa no Piraè : **260 000 F CFP** ;
- Taatiraa Tuèraa popo no Rapa : **700 000 F CFP** ;
- Taatiraa Papara Football Club : **500 000 F CFP** ;
- Taatiraa no te Tuàro no te Tua Toru i Porinetia nei – USUP : **400 000 F CFP** ;
- Taatiraa Budokan Judo : **500 000 F CFP** ;
- Taatiraa Haapiiraa taputo tapone, Jiu-Jitsu, Self-Défense e Taiso no Porinetia nei : **300 000 F CFP** ;
- Taatiraa Tuàro Tefana : **600 000 F CFP** ;

No te amuraa i tere e te oraraa i roto i te Haruraa Âito no teie nei ao no te Hoeraa Vaa vitiviti 2024 i te fenua Vaihi

- Âmui-Tahiraa Vaa : **19.000.000 F CFP**.